

ne a iuventute edocti sumus omnis disputationis exitum a recte vel secus posito quaestionis statu quam maxime pendere. In re autem presenti minus recte, «ut patet,» dicitur universim quaestionem agi «de impotentia ad matrimonium». Sane cum non una sint matrimonialia feminae officia, impotens ad matrimonium multiplici modo esse potest mulier, prout vel ad copulam, ad prolis conceptum, ad gestionem, aut ad solum partum inepta inve- niatur.

Status quaestionis autem prout ex ipsius dubii enunciatione liquet, de impotentia est quatenus haec impedit, quominus matri- monium, coram Ecclesia valide ineatur; seu de *impotentia sub ra- tione habita, sub qua inter impedimenta matrimonii dirimenda a iure recensetur.*

«I. Impotentia est defectus potentiae seu actus primi, non de- fectus actus secundi. Matrimonii autem triplex est *essentiale bo- num* ex Conc. Flor. Decr. pro Armenis. Horum bonorum primum est proles, et tantum quoad prolem physica impotentia dari potest. Quare matrimonii impotentia physiologica, est impotentia ad pro- lem et ad generationem prolis.»

Quod impotentia sit defectus potentiae seu actus primi non secundi, est evidens. Ast pari evidentia mihi non constat, ex cita- to decreto pro Armenis deduci impedimentum impotentiae diri- mens matrimonium «physiologicam esse impotentiam ad prolem et ad generationem prolis.»

En laudati decreti verba: «§. 16. Septimum est sacra- mentum matrimonii, quod est signum coniunctionis Christi et Ecclesiae Causa efficiens matrimonii regulariter est mutuus consensus per verbum de praesenti expressus. Assignatur autem triplex bonum matrimonii. *Primum est proles suscipienda et edu- canda ad cultum Dei.* Secundum est fides quam unus coniugum alteri servare debet. Tertium est indivisibilitas matrimonii pro- pter hoc quod significat indivisibilem coniunctionem Christi et Ecclesiae.» — Ab Augustino utique verba haec deprompta sunt ita docente (1): «Non quia incontinentia malum est, ideo connubium

(1) *De Genesi ad litteram*, L. IX, c. 7.